

Ólafsfirði, 27. 09. 2023

Bæjarráð Fjallabyggðar

Í framhaldi af óformlegum fundi með bæjarráðsfulltrúum í Pálshúsi s.l. mánudag er þetta bréf ritað.

Tilfnið er hugmynd frá Birni Þór Ólafssyni um að setja upp myndir og texta á Norðurgarð hafnarinnar á Ólafsfirði. Myndunum er ætlað að segja sögu útgerðar og fiskvinnslu á Ólafsfirði. Það veitir ekki af að halda á lofti sjávarplássmenningunni sem var. Ólafsfjörður var einu sinni með stærstu bolfisk-vinnslustöðvum norðanlands ef ekki sú stærsta.

Byrjað yrði á myndum af elstu bátum og vinnslu Ólafsfirðinga við Hafnarvogina og endað á nýjasta skipinu Sólbergi ÓF 1 úti á enda hafnargarðsins. Verkefnið er enn á hugmyndastigi og til þess að koma því almennilega í gang þarf samstillt átak. Það þarf að fá hönnuði og verkefnastjóra að þessu og fleira í þeim dúr.

Hugmyndin er að tengja saman Markaðsstofu Ólafsfjarðar, Fjallasali ses (Pálshús) og Fjallabyggð til vinnu að þessu verkefni. Við hjá Pálshúsi erum að skanna inn myndir og höfum hug á að koma á fót Ljósmyndasafni Ólafsfjarðar og mundi sú vinna nýtast í þetta verkefni. Við verðum með starfsmann í hlutastarfi við söfnun og skönnun mynda allavega fram yfir áramót.

Það er ósk okkar að Fjallabyggð komi að þessu verkefni með okkur í formi styrkja og lagfæringa á hafnargarði og aðgengi, sem er ekki mjög gott á hluta garðsins. Áætlaður kostnaður við verkefnið liggur ekki fyrir, enda margir óljósir þættir.

Í öllum sjávarplássum fara ferðamenn niður á hafnarsvæði og litast um og skoða. Þá er rétt að geta þess að mjög vinsælt er að veiða úti á enda hafnargarðsins. Þar sem ekki er stór skipaflotinn í höfninni á Ólafsfirði þarf að hafa eitthvað sem getur glatt ferðamanninn og þetta er hluti af þeirri hugmynd.

Í samtali við fulltrúa SSNE kom fram að væntanlega mundum við fá styrk að hluta út á hönnun, umsjón og uppsetningu. Þá mun einnig verða leitað til útgerðarmanna bæði innanbæjar og utan.

Það er von okkar að Fjallabyggð taki jákvætt í erindið svo fara megi af stað með frekari skoðun og hönnun og í framhaldinu reikna út væntanlegan kostnað.

Með vinsemd og virðingu

f.h. Markaðsstofu Ólafsfjarðar



Ida Marguerite Semey

f.h. Fjallasala ses (Pálshúss)



Þorsteinn Ásgeirsson